

Inunnik isumaginnittussat ilinniartitaaneranni fagit pillugit Namminersornerullutik Oqartussat nalunaarutaat nr. 16, 15. april 1991-imeersoq Atussimasooq (Historisk)

Meeqqat atuarfianni ilinniartitsisussat ilinniartitaasernerat pillugu isumaginninnermillu suliaqartussanik ilinniartitsisarnerit pillugit Inatsisartut peqqussutaanni nr. 1-imi 16. maj 1989-imeersumi § 29 naapertorlugu aalajangersarneqarput:

Kapitali 1.

Imaa.

§ 1. Inunnik isumaginnittussat ilinniartitaaneranni ilinniartitsineq soraarummeersitsinerlu ingerlanneqassapput nalunaarummi uani aalajangersakkat aamma Namminersornerullutik Oqartussat inunnik isumaginnittussanik ilinniartitsineq pillugu nalunaarutaanni aalajangersakkat nalinginnaasut malillugit.

Kapitali 2.

Fagit perorsaанermut tunngassuteqartut.

§ 2. Siunertarineqartoq tassaavoq ilinniartut

- 1) perorsaанermik suliaqarnerup meeqqat, inuusuttut inersimasullu ineriartornerannut toqqissisimanissaannullu aamma inuiaqatigiinni pissutsinut atassuteqarneranik paasisimasaqalersinniarnissaat,
- 2) isummanik perorsaанermut tunngasunik aamma tamakkua perorsaанermi qanoq atornissaannik paasisimasaqalersinniarnissaat, aamma
- 3) tunngavissaqalernissaat apeqqutinik perorsaанermut ileqqorissaarnissamullu tunngasunik suussusersiorlugit paasiniaasinnaalernissamut, naliliisinnaalernissamut paasinarsaasinnaalernissamullu.

Imm. 2. Imai:

- 1) isummat perorsaанermut tunngasut assigiinngitsut, tamakkua inunnik inuiaqatigiinnillu isiginninneri,
- 2) ukiut ingerlanerini inuiaqatigiinnilu assigiinngitsumik aqqissugaasuni inuusut perorsaанermik/perorsarsimassutsimik, pissusissatut innermik/allaassuteqarnermik, toqqissisimanermik/inuunerupnaleqassusianik paasinnittarneri,
- 3) isummat paasinnittarnerillu tamakkua meeqqanik, inuusuttunik inersimasunillu perorsaанikkut sullissinerup anguniagaanut imarisaanullu sunnuteqartarneri,
- 4) inuiaqatigiinni inooqataanermut piukkunnarsaaneq, pingaartinnerullugit meeqqat inuusuttullu,
- 5) inuiaqatigiinni inooqataanermut piukkunnarsaанerup ingerlanneqarnera ilaqutariinni, paaqqinniffinni gruppini, aamma
- 6) perorsaанermik suliaqartup namminerminut sulianullu tunngasutigut imminut ilisimaarinera.

Socialpædagogikki.

§ 3. Siunertarineqartoq tassaavoq ilinniartut

- 1) inunnik isumaginninnermi suliassanik, sulineermi periaatsinik suliassa qarfinnillu ilisimasaqalersinniarnissaat, aamma
- 2) piginnaangorsarneqarnissaat inunnik isumaginninnerup tungaatigut sulinissamut tungavilersukkanik siunnersuusionermut, tamatumunnga ilanngullugu inunnik isumaginninnerup tungaatigut sulinerup nutaangorsarnissaanut siunnersuusionerq.

Imm. 2. Imai:

- 1) inunnik isumaginninnermut ilinniarnermi tunuliaqutassat pitsaasut,
- 2) pædagogikkimut/psykologiimut tunngasumik isummat assigiinngitsut isumaginninnermik suliaqarnermut sunniutaat,
- 3) isumaginninnermik suliassa qarfiit ilisimaneqartut tamarmik iluanni isumaginninnermik suliaqarnerit,
- 4) isumaginninnermik suliassa qarfinnik nutaanik piorsaaneq,
- 5) paaqqinniffinni suliassa qarfinnilu assigiinngitsuni isumaginninnerup tungaatigut suliassanik pilersaarusionerq, aaqqissuussineq naliliinerlu,
- 6) paasissutissanik misissuineq, katersuineq suliarinninnerlu sullissinissamut siunnersuutininik atorluarsinnaasunik saqqummiussinissamut tunuliaqutissatut,
- 7) paaqqinniffiit siulersorneqarneri ingerlanneqarnerilu,
- 8) suliffigisami avataaniittunilu suleqatigiinnissamik suleqateqarnissamillu aaqqissuussineq, tamatumunnga ilanngullugu angajoqqaat suleqatigiinnissaat aamma atuarfeqarfimmik, peqqinnissamik isumaginnittoqarfimmik isumaginninnermullu pisorta qarfinnik suleqateqarnerq,
- 9) ataqatigiinneq/oqaloqatigiinneq,
- 10) inunnik isumaginnittup najukkamini inooqatigiinnut akisussaassuseqarnera taakkunungalugu suliassai.

Psykologi.

§ 4. Siunertarineqartoqtassaavoq ilinniartutqamuuna (tarnikkut) pissusiusartunik, inuit inooqatigiinnermi kulturikkullu assigiinngitsunik atugaqartillutik pissuserisartagaannut, piviusunik paasinnittarnerannut, imminut ilisimaarinissamut aamma qanoq iliuseqartarnissamut periarfissarisannut atassuteqartunik paasisimasaqalersinniarnissaat tamatumuuna siunertaralugu suliassanik perorsaanermut tunngasunik naliliisinnaalernissaat, pilersaarusionsinnaalernissaat suliqaarsinnaalernissaallu.

Imm. 2. Imai:

- 1) isummani psykologiimut tunngasuni inunnik inuiaqatigiinnillu isiginninnerit,
- 2) ineriartortitsinermi paasisimasassat ineriartortitsinerlu pillugu isiginninnerit assigiinngitsut,
- 3) inuit ineriartortarnerat aamma meeqqat inuusuttullu pingaartinnerullugit inuiaqatigiinni inooqataanermut piukkunnarsaasarneq pillugit psykologiimut tunngasutigut isummat,
- 4) timikkut tarnikkullu ineriartornerup ataqatigiinnerat,
- 5) inuiaqatigiinni inooqataanermut piukkunnarsaanerup ingerlanneqarnera ilaqutariinni/paaqqinniffinni

/gruppini,

6) inuunermi atugarisat inuup ineriartorneranut sunniuteqartarnerat,

7) ajornartoornerit, tamakkununnga ilanngullugit ajornartoornerup inuunerup allanngorarnerinut assigiinningsutunut atatillugu nalinginnaasumik qanoq paasisariaqarnera, napparsimarujuusuartoqarnerani toqusoqarneranilu tarnikkut ajornartorsiutaasartut, aliasunnerup ersiutai, imminorneq,

8) psykologiimut tunngasunik misissuinerit nassuiaanerillu,

9) psykologii perorsaannermut tunngasunik suliaqarnermi sakkutut,

10) pissusissatut inneq/allaassuteqarneq allaassutillu pilersarnerat (inuunermi atugarisatigut amigaateqarneq), aamma

11) tarnikkut pissusiusartut inooqatigiinnermi inummut ataatsimut tunngassuteqartut, tamakkununnga ilanngullugit isumaqatigiinningsutunik aaqqiiniartarnek aaqqiiniartarnermilu najoqqutassat.

§ 5. Atuartitsissutini perorsaannermut tunngassuteqartuni misiliinerit marluk ingerlanneqassapput.

Misiliinerup aappaa oqaluttarissanik misiliinerussaaq ilinniartullu ataasiakkaarlutik misilitsittassallutik. Misiliinerup aappaa allattarissanik oqaluttarissanillu misiliinerusinnaavoq, ingerlanneqarsinnaalluni gruppikkuutaartuni aamma sammisimasat akuleriissillugit misiliinerusinnaalluni, tak. aamma inunnik isumaginnittussanik ilinniartitsineq pillugu Namminersornerullutik Oqartussat Nalunaarutaat, § 17, imm. 2. Misiligutit assigiimmik oqimaassusilerneqassapput, karakteriliisoqassaarluk karakterimik ataatsimik.

Kapitali 3.

Fagit isumaginninnermut tungassuterqartut.

Fagi.

§ 6. Siunertarineqartoq tassaavoq ilinniartut ilisimasaqalersinniarnissaat paasiniagaqarnermi inuit ataasiakkaat, ilaqutariit inooqatigiillu tamarmik iluaqutiginiarneqarsinnaanerannik tamatumuuna siunertaralugu inooqatigiinnermi pissutsit inooqatigiinnermilu ajornartorsiutit paasiniarnissaanni nassuiarnissaannilu ataatsimut isiginninnermik atuisinnaalernissaat. Ilinniartut tamatumunnga atatillugu inunnik isumaginninnermik suliaqarnermi inooqatigiinnermi ajornartorsiutinut aaqqiissutaasinnaasunik siunnersuuteqartarsinnaassapput tunngavilersukkanik.

Imm. 2. Imai:

1) inuit ataasiakkaat, ilaqutariit gruppillu inuunermi atugarisaat, tamakkununnga ilanngullugit inuunermi atugarisatigut assigiinningsutit, allannguutit oqaluttuarisaannermut tunngasut aamma inuunermi atugarisat inuit inooqatigiinnermi ineriartornerannut inooqatigiinnermilu ajornartorsiutit pilersarnerannut sunniuteqartarneri,

2) inooqatigiinnermi naligiinningsutit assigiinningsutillu nassuiarneqartut eqqarsaatersuutit isummallu assigiinningsut tunngavigalugit, aamma inunnik inuiaqatigiinnillu isiginninnerit assigiinningsut,

3) inunnik isumaginnittoqarfiup aaqqissugaanera aamma isumaginninnikkut politikki, tamatuma qanoq ingerlanera ilusilersugaaneralu nassuiarneqartut arlallit tungaannit,

- 4) isumaginninnermut tunngasut siulersorneqarnerat aaqqissugaanerallu tamatumunnga ilanngullugu aningaasartuutissat suliaassallu naalagaaffimmut, Namminersorerullutik Oqartussanut, kommuninut bygderådinullu agguanneqartarnerat,
- 5) ilaqutariinnutmeeralinnutaammameeqqanut, inuusuttunut inersimasunullu timikkut, isumaliortaatsikkut inooqatigiissutsikkullu ajornartorsiutilinnut ikiorsiisinnaanermut isumannaallisaasinnaanermullu periarfissat,
- 6) meeqqat inuusuttullu inatsisinut tunngasutigut pisinnaatitaanerat,
- 7) innarluutillit inatsisinut tunngasutigut pisinnaatitaanerat aamma
- 8) assigiinngitsunik suliallit suleqatigiissinnaanerat.

Imm. 3. Soraarummeerneq allattariarsoreruvoq oqaluttariarsorerullunilu. Ataatsimik karakteriliisoqassaaq ataatsimut naliliinermik tunngaveqartumik, aamma tak. inunnik isumaginnittussanik ilinniartitsineq pillugu Namminersorerullutik Oqartussat nalunaarutaat, § 17.

Kapitali 4.

Fagit kulturimut tunngasut aamma fagit mernguernartut.

Sannavimmi fagit, isiginnaartitsineq nipilersornerlu.

§ 7. Siunertarineqartoq tassaavoq ilinniartut

- 1) suliorsinnaanermut fagit tunngaviusumik paasisimasassartaannik, suni atorveqarsinnaaneriniq qanorlu ingerlanneqarsinnaaneriniq tunuliaqutaannillu soqutiginnilerlutillu ilisimasaqalernissaat perorsaanermut tunngasunik suliaqarnerminni iluaqutigisinnaaqqullugu,
- 2) pinnguarnep mernguernartulerinerullu namminneq aamma meeqqat inuusuttullu anersaakkut, timikkut inooqatigiinnikkullu ineriartortarnerminnut pingaaruteqarnerat misigissagaat paasilluassallugulu,
- 3) mernguernartunik suliaqarnerup oqaluttuarisaanermut, kulturimut inuiaqatigiussutsimullu tunngasutigut pingaaruteqarneranik aama avatangiisit meeqqat, inuusuttut inersimasullu ineriartortarnerannut pingaaruteqarnerannik naliliisinnaanngornissaat naliliinerminnilu tunngavilersorsinnaanngornissaat, aamma
- 4) namminneerlutik allallu suleqatigalugit atuakkatigut sulinikkullu tunuliaqqutassaqaalernissaat sanaassanik, misilittaalluni ingerlanneqarsinnaasunik allanillu pillaqqissunngoriartornartunik meeqqat inuusuttullu pisariaqartitsinerat soqutiginninnerallu najoqqutaralugu atorf issaqarnerusorisaminnik toqqartuisinnaanngorlutillu aaqqissuisinnaanngornissaat suliaqarsinnaanngornissaallu,
- 5) sungiusarneqarnissaat ullormut suliaasartunik nalinginnaasunik iluaqutiginninniartarnissamut, taamaalilluni tamakku ataatsimut siunertaqartumik ilanngunneqarsinnaaniassammata.

Imm. 2. Imarisai tassaapput:

- 1) Sannavimmi suliaqartitsiniarnerit pappiarat qalipaattillu, marraq, annoraamernit, atortussat nunamit tigusat qisuillu il.il. atorlugit.
- 2) Aalanerit nipilersornerlu atorlugit sammisassaqartitsiniutit:
 - a) isiginnaartitsineq,
 - b) aalaneq, timersorneq pinnguarnep aamma

c) erinarsorneq, nipilersorneq.

Fagit tusagassiuuteqarnermut tunngasut.

§ 8. Siunertarineqartoq tassaavoq ilinniartut

- 1) tusagassiuuteqarnermik paasinninnissaat taamalu ilinniassagaat tusagassiuutini assigiinngitsuni oqariartaatsinik toqqammaveqarnissaq, atuisarnissaq tamakkualu meeqqanut inuusuttunullu pingaaruteqarnerat aamma
- 2) tusagassiuutinik assigiinngitsunik perorsaaneqarnermut tunngasunik suliaqarnermi allanut atassuteqarnermi atassuteqaatitut sakkutullu atuisinnaalernissaat.

Imm. 2. Imai:

- 1) allalluni oqaatsillu atorlugit oqaluttuarinninneq,
- 2) allanut atassuteqarnermi paasisimaqqaagassat,
- 3) tusagassiuutit assigiinngitsut inooqatigiinni inissisimanerat, tamatumunnga ilanngullugu inuiaqatigiinni inooqataanermut piukkunnarsaanermut angusaqartitsiniarsinnaanermullu atorluarsinnaanerat,
- 4) tusagassiuutit assigiinngitsut atornerini oqariartaatsit qanorlu sunniuteqarsinnaatigisarnerat,
- 5) tusagassianik meeqqanut inuusuttunullu pissaqartitsiniarneq,
- 6) meeqqanut inuusuttunullu tusagassianik qanoq issusersiuneq,
- 7) tusagassiuutinik assigiinngitsunik assigiinngitsunik ukiulinni assigiinngitsunillu gruppilersuinermit atuineq,
- 8) perorsaasup tusagassiuutitigut tusagassiarineqartunut qanoq ilioriarsinnaanera,
- 9) kikkunnut tamanut paasinartumik tusagassiornermi periaatsit,
- 10) misissuinermit, akunnermiliunnermit aamma angajoqqaanik suleqatigisanillu atassuteqarnermut tusagassiuutinik atuineq,
- 11) meeqqat inuusuttullu ilagalugit tusagassiorneq.

§ 9. Faginik kulturimut tunngasunik faginillu mernguernartunik (faginik tusagassiuuteqarnermut tunngasunik, sannavimmi faginik aamma isiginnaartitsinermik/nipilersornermik) ilinniartitsineq ilinniartut suliaannik naliliinermik naggaserneqassaaq. "Akuerineqarpoq"-mik imaluunniit "akuerineqanngilaq"-mik naliliisuussapputfagini ilinniartitsisoq (-sut) censorilu. Isumaqatigiinngippata censorip naliliinera aalajangiisuussaaq.

Kapitali 5.

Praktikki.

§ 10. Tassani siunertarineqarpoq ilinniartut tamarmik immikkut aamma allanik suleqateqarlutik inunnik isumaginnittut suliaasani assigiinngitsuni peqataasarnissaat peqataasarnermikkullu tunngavissaqalernissaat perorsaasutut suliaasat naammassiniarneqartarnerini ilinniakkanik namminerlu paasisanik tunngaveqartumik ikiuuttarnissamut.

Imm. 2. Imai:

- 1) atuagarsornikkut ilisimalikkat tunuliaqutaralugit perorsaasutut sulineq,
- 2) ilioriusissat perorsaanermtut tunngasut aaqqissugaanerit, tamakkuninnga inunnik isumaginninnermik ingerlatsivinni atortitsineq inissiinerlu,
- 3) perorsaasutut suliaassanik kisimiilluni aamma allat peqatigalugit pilersaaruserneq, suliaqarneq naliliinerlu,
- 4) perorsaasutut sulinermit periaasiusartunik paasiniaaneq naliliinerlu,
- 5) ilinniarnermutatatillugusuliffigisami (praktikkerfimmi) aamma praktikkerfiup sulissutallu eqqarlerisaasa aammalu inuit pisortatullu saaffigineqartussaasut praktikkerfiup avataaniittut akornanni suleqatigiinneq aamma
- 6) meeqqat, inuusuttut inersimasullu tarnimikkut timimikkullu qanoq innerinik misissuineq allaaserinninnerlu.

Imm. 3. Praktikkernissami piumasarisat:

- 1) Praktikkerneq ingerlanneqassaaq praktikkerfissat Ilinniarfissuarmut akuerineqartut ilaanni.
- 2) Praktikkertoq pisussaavoq praktikkerfimmi sulinermit peqataassalluni aammalu allat ilisimasassarinnngisaannik nipangiussisassalluni aammalu allanik pisussaaffeqarluni praktikkernissaq pillugu isumaqatigiissut naapertorlugu.
- 3) Ilinniarfissuup praktikkertoq akisussaasumik praktikkerfiani siunnersorteqartissavaa (praktiklærerimik).

Imm. 4. Praktikkerneq nalilerneqassaaq piffissap affaa siulleq ingerlareerpat. Praktikkernerup naanerani tamaat ataatsimut isigalugu nalilerneqassaaq naliliinermit atorlugu "akuerineqarpoq" imaluunniit "akuerineqanngilaq".

Imm. 5. Ilinniartup ilinniakkamigut sulinermit piginnaassusii nalilerneqassapput, naleqq. siunertatut imm. 1-imi oqaatigineqartoq, tamakkuninnga ilanngullugit

- 1) ilinniartup paasisimasaqalernera
 - a) praktikkerfiup siunertaanik, inatsisaanik allanillu inatsisitigut tunngavigisaanik, aaqqissugaaneramik aamma sulisorisaasa suunerinik,
 - b) eqqarsaatigisarialinnik inunnillu suliffiup toqqammavigisaanik, tamatumunnga ilanngullugit inunnik isumaginnittutut sulinerit pissuserigajugaat,
 - c) praktikkerfimmi suliaassat (sagit) ingerlanneqartarnerinik, paaqqinniffinnut inissiisarnerni periaatsinik, saginik aqutsinermik aalajangiiniartarnernillu,
 - d) praktikkerfiup suleqatigisaanik, suliffigisami taamatullu taassuma avataani, tamatumalu pingaarutaanik kiisalu
- 2) ilinniartup piginnaaneqalernera
 - a) sagit aalajangersimalluinnartumut tunngasut suliarinerini inunnik isumaginnittutut sulinissamut atuakkatigut ilisimalikkaminik atuinermik,
 - b) saginik suliaassanik aaqqissuussinermik suliaqarnermillu, jounaliornermik, qinnuteqaatiliornermik aamma siunnersuusiornermik il.il.,
 - c) isumaginninnikkut perorsaasutut sulinermit paasisimasassanik paasinninnermik takutitsinnaanermik aamma naliliinernut namminerlu isummat pillugit sungiussisimasutut pissuseqarsinnaanermik,
 - d) isumaginninnermit ajornartorsiutinik aaqqiiniarnermit allanik suliaqartunik suleqatiginnittarnermik.

Imm. 6. Nalililneq Ilinniarfissuup isumagissavaa praktikkertup suliffia suleqatigalugu.

Imm. 7. Naliliineq isumaqatigiiffigineqarpat praktikkerneq ingerlaannartumik akuerineqassaaq imaluunniit akuerineqassanngilaq. Isumaqatigiiffigineqanngippatcensorimik ivertitsisoqassaaq, naliliisoqassaarlu oqaluttarissanik misilitsinneq pillugu maleruagassat malillugit, tak. inunnik isumaginnittussanik ilinniartitsisarneq pillugu Namminersornerullutik Oqartussat nalunaarutaanni § 18, imm. 1.

Kapitali 6.

Tapertaasumik kursusernerit.

Psykiatri.

§ 11. Tassani siunertarineqarpoq ilinniartut ilisimasaqalernissaat tarnikkut nappaatinik, tamakkununga ilanngullugit tarnikkut nappaatit assigiinngitsut inuullu inuunermi assigiinngitsunik atugaqarnermi qanoq periarnera, taamaalillutik ilisimasatik atorsinnaangorlugit ikiugassaqaaleraangamik tarnikkut nappaatilinnik tarnikkullu pissusissavimminnit allaasumik pissusilinnik, aamma taamaalillutik peqataasinnaanngoqqullugit tarnikkut nappaateqartarnerup paasilluarneqarnerunissaanut aamma qanigisaasunik nappaatinillu tamakkuninnga paasisimannilluartunik suleqateqartarnissamut.

Imm. 2. Imarisai:

- 1) Maannakkut qangalu tarnikkut nappaataagajuttartut, pingaartumik Kalaallit Nunaanni.
 - 2) Tarnikkut nappaatit, tarnikkut nappaateqalersinnaaneq, avatangiisit tarnikkut nappaateqalersitsinnaanerit kinaassutsimillu paasisimannilluarunnaaneq, demens, oligophreni, atonerluineq.
 - 3) Katsorsaanermit maannakkut periaatsit periaasiusinnaasulluallat, psykofarmaka, psykoterapi. Tarnikkut nappaatinik Kalaallit Nunaani katsorsaasaneq. Qanoq suleqatigiittoqarsinnaasoq.
- Imm. 3.* Fagimi tassani misiliisoqassanngilaq.

Socialmedicin.

§ 12. Tassani siunertarineqartoq tassaavoq ilinniartut inuunermi atugarisat aamma peqqinnerup/nappaateqarnerup imminnut ataqatigiinnerannik aammalu pissutsinik meeqqat inuusuttullu taamatullu nammineq peqqissutsiminnut napparsimalertarnerminnullu sunniuteqartartunik aammalu ilisimasaqalernissat peqqinnissaq pillugu suliffeqarfiup aaqqissugaanerani ingerlatsineranillu, taamaalillutik ilinniartut peqqissartuutaasinnaasunik suliaqarsinnaaleqqullugit meeqqat, inuusuttut inersimasullu akornani, aamma sulissussisinnaaleqqullugit inunnik immikkut pisariaqartitsisunik, aammalu suleqateqartarsinnaaleqqullugit allanik suliaqartartunik.

Imm. 2. Imai:

- 1) inuiaqatigiit ineriartornerat aamma peqqinneq/nappaat,
- 2) peqqinneq/nappaat pillugu paasinninnerit assigiinngitsut,

- 3) ineriartorneq alliaartornerlu,
- 4) meeqqat inuusuttullu nappaataat,
- 5) peqqinnissamut tunngasutigut perorsaaneq,
- 6) napparsimmaveqarnermut tunngasut.

Imm. 3. Fagimi tassani misliisoqassanngilaq.

Kursusit allat.

§ 13. Aaqqissuussisoqassaartaaq tapertaasumik atuartitsinermik/saniatigut ilinniarumaneqartumik kursusernertut ilusilikkamik, isumaginninnikkut perorsaasup sulinerani immikkut ittumik suliassaqarfiusunut sammisinneqartumik. Kursusernerit taamaattut siunertaat, imarisaaat sivisussusissaallu Kultureqanermi, Ilinniartitaanermi Suliffeqarnermilu Pisorta qarfiup akuereqqaartassavai.

Kapitali 7.

Atortuulersitsineq il.il.

§ 14. Fagini ilinniartitsineq soraarummeernerlu pillugit maleruagassat Kultureqanermi, Ilinniartitaanermi Suliffeqarnermilu Pisorta qarfiup aalajangersarsinnaavai.

§ 15. Nalunaarut atortuulerpoq ulloq 1. august 1991.

§ 16. Nalunaarut atortuussaaq ilinniartunut ukiumi ilinniarfiusumi 1990/91-imi imaluunniit kingusinnerusukkut ilinnialersunut.

Imm. 2. Ilinniartut siusinnerusukkut ilinnialersut ilinniarnertik inaarsassavaat aalajangersakkat maannamut atortuusut malillugit.

Namminersornerullutik Oqartussat, ulloq 15. april 1991.

Marianne Jensen

/

Kaj Kleist